



*Te Avae Tiurai 1958*

**TE HEHEURAA API**



## Ua Bapetizohia Iesu.

(Mataio 3-4 - Ioane 1.)

Ua ineine o Iesu, i tei nei, no te raveraa i ta'na ohipa rahi. Area no te haamataraa ia haere ihoa oia ia Ioane ia bapetizohia oia ra. Faarue atura oia i to'na fare i Galilea e haere atura oia i te vahi te bapetizo ra o Ioane i te mau taata i roto i te pape i Ioridana ra.

I to Ioane iteraa ia Iesu i te haereraa mai, parau atura oia i te mau taata i pihaiho ia'na, e na ô atura oia, "*A hi'o na i te Arenio a te Atua, o tei hopoi é atu i te hara o te ao. Oia teie ta'u i parau ra e, "Te haere mai nei te hoê taata i muri iho ia'u nei, e ua riro oia ei mua ia'u; o muâ hoi oia ia'u."*

Ani atura Iesu ia bapetizohia oia, area ra patoi maira o Ioane ma te parau atu, "*O vau hoi ta oe bapetizo e tia'i, e te haere mai na oe ia'u nei?"* Ua parau maira Iesu ia'na, na ô maira, "*A tuu noa mai na; e na reira hoi tatou i te faatia i te mau parau-tia atoa e au ai."* E i reira haapii atura Iesu ia Ioane e, e mea tia ia bapetizohia te mau taata atoa mai te mea e hinaaro ratou i te faatia i te mau parau-tia atoa. E tia ihoa ia bapetizohia te mau taata tei navai to ratou paari no te faaiao atu i te Atua. Area, te mau tamarii ra, te ore e tia ia haroaroa i te parau, aita ratou i bapetizohia, te mau tamarii ra tei naeahia te vau o te matahiti, e mea tia ihoa ia farii ratou i taua oro'a ra.

E i to Iesu parauraa'tu ia Ioane e, e mea tia ihoa ia bapetizohia oia ra, farii ihora o Ioane i te reira parau. Haere atura raua i raro i te pape, te vahi tei hohonu, e i reira utuhi atura Ioane i te Faaora. I to'na afairaa mai ia Iesu i nia, mai raro mai i te pape, ua na ô atura Ioane, "*Hi'o atura vau i te pouraa mai mai te ra'i mai, mai te uupa ra, e ua faaea ihora i nia iho ia'na."* E ua na ô faahou oia,



*“Auaa tei tono mai ia’u e baptizo i te pape nei i parau mai ia’u e, ‘O ta oe e hi’o i te Varua i te pouraa mai, e te faaearaa i nia iho ia’na ra, oia ia, o tei baptizo ia ma te Varua Maitai.”*

A haere mai ai te Faaora, mai raro i roto mai i te pape parau maira te reo o te Atua no nia i te ra’i i te na ôraa mai e, *“Tau Tamaiti here teie, ua mauruuru roa vau ia’na.”*

O teie faahou â te tahi tapao tei faaite papu mai ia Ioane e, o Iesu ra, o te Mesia ia, e ua na ô mai Ioane, *“Ite atura hoi au, e teie ta’u parau, o te Tamaiti ia oia na te Atua.”*

A rave noa’i Ioane i to’na ohipa ua rave rahi to’na loa e te taata tei apee mai i ta’na mau haapiiraa. I te mahana i muri a’e i te baptizoraahia o Iesu, te tia noa ra Ioane, e te tahi na pīpī na’na a haere ai Iesu. Haamana’o ihora oia e, o ta’na ra ohipa, o te faaineineraa ia i te e’a o te Faaora, na ô atura oia i ta’na nau pīpī, ma te faaite atu ia’na, *“A hi’o na i te Arenio a te Atua.”* Faarue ihora na pīpī ia Ioane e apee atura ia Iesu. Haere atura ratou i te fare ta Iesu i parahi e ua parahi noa raua i reira i taua mahana atoa ra.

Teie ia te i’oa o te hoê o raua, oia hoi, o Anederea ia. I muri a’e i to’na farereiraa ia Iesu, papu atura ia Anederea e, e parau mau ihoa ta Ioane i parau mai ai oia i te parau e, o Iesu ra, o te Faaora ia. Haere vave atura o Anederea i to’na ra fare no te faaite atu i te parau apī maitai i to’na ra taeae o Simona. Na ô atura oia ia’na, *“Ua itea ia mâua te Mesia.”*, hahere atura raua e farerei ia Iesu. I to te Faaora iteraa ia raua i te haereraa mai, mairi ihora i te i’oa apī i nia ia Simona, oia hoi, o Kepha, (oia hoi, o Petero).

Aita i maoro i muri ravehia’tura o Ioane e te arii ra o Heroda e hurihia’tura oia i roto i te fare tapearaa no te mea ua faahapa’tu oia i te arii no ta’na mau ohipa parau-tia ore.



## Ua Faaahemahia O Iesu E Satane.

(Mataio 4.)

Ua hinaaro o Iesu i te haafatata'tu i to'na ra Metua na roto i te haapaeraa maa e te pure. Haere atura oia i roto i te medebara e i reira haapae atura oia i te maa no na maha-na e maha ahuru aore ra. I te paruparuraa te Faaora no to'na vai-maoro-raa ma te maa ore, haere maira Satane e faahema ia'na. No to'na ite i te poi'a rahi o Iesu, na ô atura Satane, "*E Tamaiti oe na te Atua ra, a parau i teie nei mau ofai ia riro ei maa.*" Eita e tia ia faahema'tu ia Iesu na roto i te reira huru raveraa. Pahono atura Oia ma te rave i te tahi mau haapiiraa a Mose i te mau tamarii a Iseraela ra, "*E ore te taata e ora i te mau ana'e ra, i te mau mea atoa râ i haapaohia e te Atua*"

Rave atura te diabolio ia'na e aratai atura ia'na i Ierusalema e faatia'tura ia'na i nia i te poreitiko o te hiero ra. Te imi ra o Satane i te ravea ia faahopo atu ia Iesu ia faaite mai Oia i to'na ra mana no'na iho. No reira parau atura oia ia'na, "*E Tamaiti oe na te Atua ra, e haamairi oe ia oe iho i raro; ua papaihia hoi e, E poroi oia i ta'na mau melahi ia oe, na ratou hoi e mau ia oe i to ratou rima, o te tiaia noa'tu to arae i te ofai.*" Ahiri o Iesu i rave i te mea ta Satane i ani maira, ua faaite ia oia i to'na teoteo e to'na hoi paruparu. No reira parau atura Iesu ia Satane, "*Ua papai-atoha e, Eiaha oe e aa i te Atua ra ia Iehova.*"

E i muri iho aratai faahou atura te diabolio ia'na i nia i te hoê mou'a teitei e faaite-atura ia'na i te mau basileia o te ao nei e to ratou hoi hanahana. Na ô atura oia, "*E horoa'tu vau i teie mau mea atoa ia oe na ia tipapa mai oe i raro e haamori mai ia'u.*"

Aita o Iesu i hinaaro faahou i te faaroo atu ia Satane, no reira faaue atura oia ia haere ê atu oia. Na ô atura oia, "*E haere ê atu oe, e Satane, ua oti hoi i te papaihia, O to Atua o Iehova ta oe e haamori, e oia ana'e ra ta oe e faaroo.*" Reva ê atura te diabolio e inaha, tae maira te mau melahi mo'a no te tanturu atu i te Fatu.



## Ua Patoi Mai To'na Mau Taata Tupu la'na.

(Luka 4.)

I muri a'e i to'na haapaeraa i te maa no na mahana e rave rahi, haamata'tura Iesu i te haapii atu i te mau taata. I Kaperenaumi ra, aita oia i haapii noa ra, ua rave atoa râ oia i te mau mea maere. Tui atura to'na roo, e ua rave rahi tei haere mai e faaroo ia'na ra. *"Haapii atura oia i roto i to ratou mau sunago, ma te haamaitai-paatoa-hia."* Faarue atura oia i taua vahi ra e haere atura oia i to'na iho oire ra o Nazareta, te vahi i paari ai oia ra, e te vahi hoi tei reira te rahiraa o to'na ra mau hoa. Ua hinaaro hoi oia i te haapii atu ia ratou i te evanelia. I te sabati haere atura oia i te sunago, i taua oire iti ra, no te haamori, e to'na ra mau hoa e to'na mau fetii. I taua mau mahana ra, e peu ia na ratou ia tia mai te hoê i nia, no rotopu i te amui-raa, e ia tai'o atu i te mau papairaa mo'a e i te a'o atu i te mau taata ra.

I taua mahana ra haere atura oia i mua, e ani atura no te mau papairaa mo'a. Huri atura oia e tae atura i te Buka a Isaia, te peropheta, e tai'o atura oia, *"Tei nia iho ia'u te Varua o te Fatu, oia i faatahiuu mai ia'u ei poro haere i te parau maitai i te taata rii, ua tonono mai oia ia'u ei faaora i te feia aau oto, ei poro haere i te tîti, e ia hi'o faahou te matapo, e ei tuu hoi i te feia i paruparu, ei poro haere i te matahiti e itehia mai ai e te Fatu ra."*

O te reira ia te hoê tufaa o te mau papairaa o te Faufaa Tahito o tei faaite mai i to'na haereraa mai i roto i te tino nei.

Tapiri ihora oia i te buka, ta'na hoi i tai'o mai, e na ô atura i te mau taata, *"Teie nei parau i papaihia ta outou i faaro i hoi nei, ua tupu ia i teie nei mahana."*



I to'na haapiiraa'tu ia ratou e, o oia ihoa te Mesia tei tiaia-maoro-hia, maere ihora te mau taata. Ua ite ratou ia'na i te maororaa o to'na ra oraraa. E tamuta noa iho oia i mua i to ratou ra mau mata. E noa'tura i te reira, ua hau atu to'na paari i te hoê noa'tu taata tei farereihia e ratou ra. Ui atura ratou, te tabi i te tabi, "E ere anei teie i te tamaiti a Iosepha ra?" Te maere râ ratou i te mea e, te parau maira oia ia ratou e, e mea maitai a'e oia ia ratou ra. Tupu ihora te feii e te riri i roto i to ratou mau aau.

Ua ite mau Iesu eaha te mea te ferurihia ra e ratou, e na ô atura, "E te tahu'a ra, a faaora ia oe iho; te ohipa ta oe i rave i Kaperenaumi rata matou i faaroo a'enei, e rave atoa i ô nei, i to oe nei fenna. Ua na ô atura hoi oia, Amene e parau atu vau ia outou, Aita e peropheta i itehia mai i to'na iho fenua mau."

Ua parau atu oia ia ratou e, e oti te mau ohipa rarahi a te Fatu na roto ana'e i te pahonoraa a te faaroo mau. Eita e tia ia'na ia rave i te mau ohipa rarahi i Nazareta, mai ta'na i rave i Kaperenaumi ra, no te mea aita te mau taata e tiaturi ra e, o oia ia te Mesia. No ratou, e ere ia oia i te peropheta. Nohea mai to'na tia ia haere mai oia e a'o atu i te parau ia ratou? Nahea oia e tia'i ia riro ei Mesia tei parauhia i roto i te papairaa mo'a ta'na i tai'o maira. Ua mana'o ratou e, e taata haavare oia.

Ua tia a'era te mau taata i nia, hopara'tura ia'na i rapae i to ratou ra sunago. Hopara atoa'tura ratou ia'na i rapae i to ratou ra oire e afai atura ratou ia'na i te hiti o te mou'a ra ia tia ia ratou ia faataa ia'na i raro ia pobe atu oia, area râ tupu atura te hoê semeio. I roto i te hoê taime poto roa aita'tura i tia faahou ia ite e, teiheia oia, e aita'tura ta ratou e ravea no te hamani-ino-faahou ia'na. Haere ê atura oia ia ratou, area ua i to'na aau i te oto. Ua patoihia



mai oia e to'na iho mau taata. Te mau taata tupu, e te mau hoa hoi ta'na i ite mai to'na apîraa mai, ua tamata ia ratou i te haapohe ia'na. Haere atura oia i Kaperenaumi, e i reira ua rave rahi tei farii mai ia'na ra.

I te mau mahana Sabati atoa ua haere oia i te sunago i Kaperenaumi e ua haapii atu oia i te mau taata. Ua ahuehu ratou i ta'na mau haapiiraa, "e mana hoi to ta'na parau. I te hoê mahana ite atura oia, i reira, te hoê taata e varua demoni faufau to'na ra. E i te iteraa mai taua taata ra ia Iesu, pii hua maira oia i roto i te sunago, "Auê, e Iesu i Nazareta e! eaha ta oe ia matou nei? i haere mai anei oe e taparahi ia matou nei?" "Ua ite au ia oe, te Mea Mo'a o te Atua ra." Haere atura Iesu i taua taata ra e faahapa'tura oia i te varua ino i te parauraa'tu e, "A mamû, a haere i rapae," Ua taora ihora taua demoni ra ia'na i raro i ropu i te taata atoa, haere atura i rapae, aore oia i paruparu. Maere ana'e ihora te mau taata ia Iesu i ta ratou i ite ra. Parau atura ratou, te tahi i te tahi, "Te faane nei hoi oia i te mau varua faufau nei ma te mana, e te haere nei ratou i rapae?"

I to'na faarneraa i te sunago haere atura oia i te fare o Simona, te taeae o Anederea, tei mairihia e ana i te i'oa ra o Petero, Te pohe ra te metua Vahine o te vahine o Simona i te fevera rahi. Ani atura te fetii ia faaroo oia ia'na. Tia ihora oia i pihaiho ia'na e faahapa'tura i taua ma'i ra, e faarue atura te reira ia'na, tia maira oia i nia "e tavini ihora" ia ratou o tei tae mai i roto i te fare.

E faaite atura te mau feia tei ite i teie nei na faaoraraa e piti, te hoê i roto i te sunago, e te tahi i roto i te fare o Simona, i te reira mau mea i to ratou ra mau hoa. Parare atura te roo o te Fatu e ati noa a'e. E i te ahiahi, te feia e ma'i to rotô i to ratou mau fare, hopoi maira ia ratou i te Faaora, e ua tnu atu oia i to'na na rima i nia ia ratou e ua



faaora oia ia ratou. Ua haere ê atu te diabololo i rapae i te tahi pae o ratou, e i te taime a na reira'i oia ra, ua pii mau taua mau varua faufau ra, "O te Mesia oe, te Tamaiti a te Atua."

I te mahana i muri iho haere atura oia i roto i te medebara e ua rave rahi te mau taata tei apee atu ia'na ra, e aita roa ratou i hinaaro i te faarue ia'na ra. Na ô atura oia ia ratou, "E parau haere â vani te parau maitai o te basileia o te Atua i te mau oire ê atu â e tia'i i tonohia mai ai hoi au."

*Marcel Bonnet*

## Le Livre De Mormon

L'authenticité du Livre de Mormon constitue notre considération la plus importante de cet ouvrage. Ce sujet est d'un intérêt vital pour tout véritable investigateur de la parole de Dieu, pour chaque chercheur sincère de vérité. Prétendant être, en ce qui concerne la dispensation précédente, une nouvelle écriture, présentant des prophéties et des révélations qui ne sont pas encore reconnues jusqu'à présent dans la théologie moderne, proclamant au monde le message d'un peuple disparu, écrit par commandement et par l'esprit de prophétie et de révélation, ce livre a droit à l'examen le plus sérieux et le plus impartial. Non seulement le Livre de Mormon mérite-t-il une telle considération, mais encore la réclame-t-il, l'exige-t-il même; car nul homme, professant croire au pouvoir et à l'autorité de Dieu, ne peut recevoir avec indifférence l'annonce d'une nouvelle révélation, portant ouvertement le sceau de l'autorité divine. La question de l'authenticité du livre de Mormon est, par conséquent une question qui intéresse le monde entier.

Les Saints des Derniers Jours fondent leur croyance en l'authenticité du livre sur les preuves suivantes:



1. L'accord général entre le Livre de Mormon et la Bible dans toutes les matières qui leur sont communes.

2. L'accomplissement d'anciennes prophéties par la parution du Livre de Mormon.

3. La stricte harmonie et la consistance du Livre de Mormon en lui-même.

4. La véracité évidente de ses prophéties.

A cela, nous pouvons ajouter certaines preuves externes ou extra-scripturales, parmi lesquelles :

5. Les témoignages corroboratifs présentés par l'archéologie et l'ethnologie.

## Le Livre De Mormon Et La Bible

Les Ecritures Néphites et Juives s'accordent en matière de tradition, d'histoire, de doctrine et de prophétie, dont traitent les deux ouvrages séparément. Ces deux volumes d'écritures furent préparés sur des hémisphères opposés, dans des conditions tout à fait différentes. Cependant il y a entre eux une harmonie surprenante, qui confirme leur inspiration divine à tous deux. Le Livre de Mormon contient un certain nombre de citations extraites des anciennes écritures juives, dont une copie, comprenant ce qui avait été compilé à l'époque où Léhi s'enfuit de Jérusalem, fut apportée sur le continent occidental, faisant partie des annales gravée sur les plaques d'airain de Laban. Lorsque de tels passages sont cités, il n'y a aucune différence essentielle entre la version de la Bible et celle du Livre de Mormon, excepté dans des cas d'erreurs probables de traduction, qui ressortent ordinairement de l'inconsistance ou du manque de clarté du texte biblique. Il existe cependant, quelques variations mineures dans des parties correspondantes des deux volumes; et, dans de tels cas, un examen approfondi démontre généralement la clarté supérieure des écritures néphites.



Lorsque l'on compare soigneusement les prophéties de la Bible avec les prédictions correspondantes contenues dans le Livre de Mormon, par exemple, celles se rapportant à la naissance, au ministère terrestre, à la mort sacrificatoire et à la seconde venue de Jésus-Christ; à la dispersion et au rassemblement d'Israël, à l'établissement de Sion et à la reconstruction de Jérusalem, on voit que chacun des livres sacrés corrobore l'autre. Il est vrai que l'un renferme de nombreuses prédictions qui ne se trouvent pas dans l'autre, mais, dans aucun cas, il n'est possible de déceler la moindre contradiction ou inconsistance. La même harmonie règne parfaitement entre les parties des deux volumes qui traitent de la doctrine.

*Toni Orometua*

## Te Misioni Tahiti

E mea au roa e te faahiahia hoi te tuatapaparaa o te misioni Tahiti nei. Ua haamauhia te Misioni i te mau mahana a ora'i te peropheta ra o Iosepha Semita e no reira e mea tahito hoi ia.

I tematahiti 1843, i te oire Navu, ua ani te peropheta i na taata e toomaha, o Noa, o Paraita, o Beniamina e o Hanota to ratou mau i'oa, ia haere i te fenua Vaihii e haamau i te hoê misioni i reira. No to Paraita taeraa'tu i te reira fenua na nia i te tahi pahi ravaai tohoro i te matahiti 1822, ua matau rii ia oia i te reira fenua e ua ite rii hoi oia i te re'o Vaihi.

No reira i te mahana matamua no te ava'e Tiunu m. 1843, na faarue ratou i te oire Navu e ua haere ratou i te pae o te hitia o te râ ia tae atu i te hoê oire i te pae o te miti atalanatita i parauhia Niu Betefora e i te 9 no Atopa m. 1843 ua tauma atura ratou i nia i te hoê pañi ta i'e tei faaineine i te tere i teie pae au moana nei.



Hoê ava'e i muri i'ho i to ratou faarueraa i taua oire ra ua pohe roa o Hanota e no reira ua hunahia oia i roto i taua miti ra. Ua tamau noa râ te toea o taua na taata taomaha ra i to ratou tere e tae noa'tu i to ratou tapaeraa mai i te fenua Tubuai i te Ava'e Me m. 1844, e ua oaoa ihora Paraita i te mea ua ite rii te tahi o to Tubuai i te re'o Vaihi.

E rave rahi tei faafariuhia mai i reira e i te ava'e tiurai ua faatiahia te amaa matamua no te Ekalesia i teie paeau. A rave ai Paraita i ta'na ohipa i Tubuai ua haamata o Benjaminina raua o Noa i te poro haere i te Evanelia i te fenua Tahiti. Manuïa ihora, haamata a'era ratou i te hoê amaa i reira. I te reira mau mahana atoa, ua haere o Paraita raua o Noa i te pae Tuamotu e ua Bapetizohia 2000 taata e raua i reira.

E mea rahi te mau orometua i tae mai i te reira mau mahana ra, ua ruperupe ihora te ohipa e tae roa mai i te matahiti 1853. I te reira taima ua faaite mai te hau metua e, no te tahi mau fifi i tupu aita oia i hinaaro i te mau orometua atoa ia haere faahou mai i Otiania nei. No reira ua faaitoito noa te mau melo o te Ekalesia e tae roa'tu i te m. 1892

I reira ua tae faahou mai na orometua toopiti tei parauhia o Iosepha raua o Viriamu, e mai reira mai â e tae roa mai i teie mau mahana nei ua tae noa mai te mau orometua poro haere i te Evanelia. I teie mau mahana te faaitoito noa nei â te mau melo o te Ekalesia e no te reira te haere noa nei â te ohipa a te Ekalesia i mua.


*Papaihia e Preston Nibley  
Iritihia e Maratini Orometua*



## PARAU RII API

## Te Tere Haapiiraa I Te Fenua Tonga.

Te hoho'a ta outou e hi'o nei, o te hoho'a ia o te mau tamariki Tahiti o te Ekalesia tei haere a'enei i te Haapiiraa, a te Ekalesia, i te Fenua i Tonga. Teie ia to ratou mau i'oa, oia hoi, o Opura â Moo, o Jean Yao, o Tekehu â Munani, o Edua â Turoa e o Tehina â Moo. Te vai atu ra te hoê o ratou, oia hoi, o Henri Tehani, aita ra oia i roto i teie nei hoho'a.



Te faaite mai nei te TaataFaatere Rahi o taua Fare Haapiiraa ra e, e mea maitai roa ratou i roto i ta ratou mau Haapiiraa. E o tera ia te buru o te ahu ia haere i te reira Haapiiraa.

Ua faaite atoa hia e, e oti ta Opura Moo haapiiraa, i reira, i teie matahiti i mua nei.



## Te Taeraa Mai O Na Taata Faatere Tootoru

I te mau mahana matamua o te ava'e no Tiunu, ua tae mai, i Papeete nei, na taata rahi faatere tootoru, no te Ekalesia, e to ratou mau hoa, i rotopu ia tatou nei, oia hoi, te hoê o te mau Aposetolo, te hoê taata faatere no te ohipa faatiaraa Fare pureraa i te pae Patitifa nei, e te hoê Peresideni Titi, o Ziona, i Waihi. Mai tei faaitesia, i roto i te ve'a no te ava'e o Tiunu, ua tae mai ratou na nia i te manu reva, i te mahana pae, e ua reya atu ratou atoa i te poipoi o te mahana Sabati.

Ua farerei te Aposetolo i te mau Orometua Popaa, ua paraparau atura Oia ia ratou ta taihoê no nia i te ohipa pae faaroo i Polinesia Farani nei, e ua faatere atoa oia i te hoê pureraa iritiraa mana'o na ratou, e te Peresideni Misioni atoa hoi.

Ua farerei atoa te taata rahi no te ohipa faatia fare pureraa i te mau Orometua rave ohipa, e na tamuta hoi, no nia i ta ratou ohipa, e ua faatere-atoa-hia te hoê pureraa na ratou.

Ua farii-maitai-atoa-hia teie nei mau taata rahi, o te Ekalesia nei, na roto i te hoê pureraa tei faaterehia i te po mahana pae, i raro a'e i te faatereraa a te Amaa Tahiti, e na roto hoi i te hoê fariiraa, i te po mahana maa, i raro a'e i te faatereraa a te Amaa Farani. Ua rave rahi te mau parau maitai tei faaroohia i roto i tana pureraa ra, aue hoi te mauruuru rahi no te reira. Ua nehenehe atoa hoi te mau ohipa tei ravehia i te po mahana maa, oia hoi, te mau oriraa popaa, oriraa tahiti e te mau himene atoa hoi.

I to ratou revaraa ua na ô mai ratou e, "*Ua mauruuru roa matou i te iteraa i to outou tia maitai-raa e te mana'o nei matou e, tei mua outou i te tahi mau nunaa maohi, ta matou i ite i Niu Zelani, i Tonga, i Samoa, i Fiti e i Rarotoga*",



e no reira, te oaoa nei tatou i te faaroora i te reira parau maitai, area ra, eiaha roa'tu tatou e faatia ia riro taua parau ra ei tumu faatauraa i nia i ta tatou nei mau ohipa. E mea tia roa ia riro teie mau parau ei faaitoitorea, no tatou, i to tatou haereraa i mua ra.

### Ua Tae Mai Te Tahī Orometua Apī

I te 6 no Tiunu ua tae mai to tatou Orometua apī, i Papeete nei, na nia mai i te manu reva, e o TETIRA ia to'na i'oa. E taata maramarama oia no nia i te tahī mau ohipa, mai te himene e te piēce hoi. Ua itoitō hoi oia, i te Fenua Utaha, i te raverāa i te mau ohipa i roto i te Ekalesia, oia hoi, i te tahī taimē ua riro oia ei Peresideni no te hoē Pūpū Diakono, e i muri iho riro faahou atura oia ei Peresideni no te hoē Pūpū Haapii. Ua faa tai atoa oia i te hamonia, no na matahiti e ono, i roto i te mau pureraa no te Pūpū o te Autahu'araa.

I to'ua apīraa ua fatata oia i te pohe roa, no na taimē e ono, i roto i te tahī matahiti a tupu ai te hoē ma'i ino roa i nia iho ia'na ra. Noa'tu e ua pohe te tahī pae o te mau taata i taua ma'i ra, ua faaora-maitai-hia oia na roto i te faatahinuraa tei ravehia e te mau Peresibutero o te Ekalesia ra. E no te mea ua haamaitaibia oia e te Atua, hinaaro ihora o Tetira i te haamauruuru atu Ia'na ra, e no reira, riro atura oia ei Orometua poro Evanelia e ua tae mai oia i rotopu ia tatou nei no te haapii mai, ia tatou, te mau haapiiira faahiahia o te Ekalesia. E riro o Tetira ei Orometua i roto i te re'o Farani e no reira e faaea oia i Papeete nei. A faaitoitō ia oe, e Tetira, i te raverāa i te ohipa a te Atua



## Huahine

Te faaite mai nei to Huahine e, ua oti roa to ratou fare pureraa i te penihia, e noa'tu e, e fare nainai tei hamanihia i te niau ra, te na ô maira ratou e, "e mea haviti roa ia". Ua penihia te reira; i te pae i rapae au i te peni matie, e o roto ra, ua penihia ia i te peni matie, te uteute e te uouo hoi. Ua tahoê ratou i te raveraa i te ohipa, no na mahana e toru, no te faaotiraa i te reira ohipa e te haamauruuru nei ratou, i te Atua, tei horoa mai, no ratou, te reira haamaitairaa.

## Tahaa

Te na ô mai nei to te Amaa Cumora, i Patio, Tahaa, e, te anaanatae nei ratou i te hoê ohipa apî i reira. Te faaite mai nei ratou e, ua horoahia, ia ratou, te faatereraa o te mau pureraa, i te pô Sabati Oro'a, o tei parauhia te pureraa Amui no te mau pŭpŭ no te Amaa.

I te haamatarahia o taua ohipa apî ra, na te Pŭpŭ Paraimere ia i faatere i te reira, e ua rave ratou i ta ratou mau a'oraa no roto mai i ta ratou buka ohipa. Ua papaihaapoto-hia te ohipa a te mau Feia faatere, o te Ekalesia, i roto i taua buka ra; e no reira ua ui atura ratou, i to ratou mau feira faatere, i te tahi mau uiraa no nia i te mau mea i papaihia i roto i taua buka ra. Ua pahono maira te mau taata o te Amaa i te reira mau uiraa, e ua na ô mai te mau taata paari e, "*E mea nehenehe te mau tamarii i taua po ra, e e mea au roa na ratou ia ui mai te mau tamarii i te tahi mau uiraa, mai ta ratou i ui mai i taua po ra.*" Area, te tahi mau pureraa ra, na te Mau Tuahine, e te Feia Apî i faatere i te reira, e i teie mau mahana nei ua opuahia e, ua te Antahu'araa ia e faatere i te ohipa i te Sabati Oro'a i mua ra.



### Te Amuiraa i Hao e Taega

I te 8 no Tiurai i mua nei e faarue atu to tatou Peresideni Misioni, o Elita, e to'na ra utuafare, e te tahi atu mau orometua, i Papeete nei, no te haere atu i te Tuamotu, na nia ia Paraita. E tere atu ratou i Hikueru, e i Marokau, e i reira e rave atu ratou i te mau melo, no te Ekalesia, no te afai atu ia ratou i Hao no te hoê Amuiraa.

E tae ratou i Hikueru i te 11 no Tiurai, i te poipoi, e mai reira e tere atu ratou i Marokau. E tae paha ratou i reira i te ahiahi o tava mahana iho ra. E ia poipoi a'e, i te mahana maa, oia hoi, i te 12 no Tiurai, e tae ratou i Hao, ei reira e faaterehia te hoê amuiraa, no na mahana e piti, oia hoi, i te 12 e te 13 no Tiurai. E faaea atoa ratou, i reira, no te mau ohipa no te 14 Tiurai.

I muri a'e i taua Amuiraa ra e faaho'ihia te mau melo i to ratou iho mau fenua; e i reira o Paraita e tere atu ai i Nihiru, e i Makemo, no te rave atu i te mau melo no reira, e afai atu ia ratou i Taega no te Amuiraa.

E tae o Paraita i Nihiru, e i Makemo, i te 16 no Tiurai, oia hoi, i te mahana toru. E ia pau te mau taata i te ravehia e tere atu ia ratou i Taega, e e tae ratou i reira i te 17 no Tiurai. E i reira e faatere-faahou-hia te hoê Amuiraa no na mahana e piti, oia hoi, i te 17 e te 18 no Tiurai.

No reira, a faaitoito outou, e to te pae o te Tuamotu; ua nehenehe roa te mau ohipa i mana'ohia no taua na Amuiraa ra; e riro paha te reira ei faaetaetaraa, no outou, i roto i te pae faaroo.

### Te Hoho'a No Ta Tatou Ve'a Te Tii No Te Peropheta Ra o Iosepha Semita.

E hoho'a teie no te hoê tii i faatiahia i roto i te aua no te hiero i Roto Miti, Utaha. E tii haamana'oraa teie no te peropheta Iosepha Semita o tei ite mata i te Atua e i Ta'na Tamaiti o Iesu Mesia. Ua faaroo atoa'tura oia i to Raua na reo mai te taata nei i parau te tahi e te tahi. I muri iho i to raua parauraa ia'na ua tae atoa mai te hoê melahi no te ra'i mai, horoa'tura i te mau api Veo ia'na, e no reira mai TE BUKA A MOROMONA ta tatou e tai'o nei. Faatia ihora oia i te Ekalesia a Iesu Mesia i nia iho i te ao nei, e e rave rahi atu â te mau ohipa ta'na i rave. Ua na ô maira te hoê taata tui roo rahi. "E riro paha ia i te mau mahana i mua nei o Iosepha Semita e itehia'i ei taata hau roa'tui i te faatupu i te maitai i rotopu i te ao nei i te mau taata'toa" No reira ua faatiahia teie tii ei haamana'oraa i te peropheta matamua no teie nei anotau.